



Inatsisartunut ilaasortaq
Aleqa Hammond

§ 36, imm. 1 naapertorlugu apeqqummut nr. 22010-119-imut akissut, eqqagassalerinermut tunngasoq.

Asasara Aleqa Hammond,

Aallarniutigalugu qujassuseqarfigerusuppakkit Naalakkersuisunut apeqquteqarninnut. Apeqqut eqqagassat pillugit iliuusissatut pilersaarummut aamma taassuma piviusunngortinneqarnissaanut tunngavoq imatullu apeqquteqarputit:

“Avatangiisit pillugit Naalakkersuisup oqaatigaa naalakkersuisooqatigiit eqqagassalerineq pillugu suliniummot tunngatillugu avataaniit aningaasalersueqataasoqarsinnaananeramik misissuisoqartoq. Misissuineq taanna qaqugu naammassissamaarneqarnerasoq aammalu nunarput tamakkerlugu eqqagassalerinermut ataqatigiisumik sullissinissaq qaqugu aallartissamaarneqarnerasoq paasiumallugu allakkatigut apeqquteqarpunga.”

Ullutsinnut naleqquttumik eqqagassalerinerup pilersinneqarnissaata aallartinneqarnissaa Naalakkersuisut suliaraat. Eqqagassat pillugit periusissatut pilersaarusiaq Naalakkersuisunit akuerineqartoq ukiuni aggersuni eqqagassalerinermut tunngasuni suliniuteqarnermi sinaakkutitut tunngaviussaaq.

Aalajangerneq tamanna nassataqarpoq, Nunamut Namminermut, Pinngortitamut Avatangiisinullu Naalakkersuisoqarfik pisariaqartunik isumalluutininik pilersorneqarnissaa eqqakkanut tunngasut suliniutigineqarneranni malitseqartitsinermut ineriartortitsinermullu atugassanik. Tamatuma saniatigut Naalakkersuisut aalajangerpaat aalajangersimasumik annertussusilimmik aningaasanik immikkoortitsisoqassasoq kommunini suliarineqartussanut. Taamaaliornikkut qulakkeerniarneqarpoq eqqagassalerinerup ullutsinnut naleqquttup pilersinneqarnissaata sulissutigineqarnerata kommunini aallartinneqarnissaa. Aningaasat immikkoortinniarneqartut tassaapput eqqagassat pillugit iliuusissatut pilersaarusiame anguniakkat immikkoortuisa ilaata 3-p, eqqakkanut immikkut suliarisarialinnut tigooraavissanik pilersitsinermut kommuninit piviusunngortinneqarnissaanut atugassat. Naalakkersuisut Aningaasanut Inatsisissatut Siunnersuutaani 2011-mut tunngasumi taakku takuneqarsinnaajumaarput.

Taamatuttaaq Naalakkersuisut aalajangerpaat, ullutsinnut naleqquttumik eqqagassalerinermut aaqquussinermik pilersitsinermi aningaasartuutit allat tamarmik atuisut aningaasalersuinerup akiliuteqarneratigut pissasut/pisariaqartut. Tamatumunnga pissutaavoq Naalakkersuisut isumaqarmata eqqagassanik pilersitsisoq tassaasoq eqqakkat iginneqarnerannut atasunik mingutsitsisoq akiliuteqartassasoq.

14.06.2010
Sagsnr. 2010-031255
Dok. Nr. 396606

Postboks 1614
3900 Nuuk
Tlf. (+299) 34 50 00
Fax (+299) 32 52 86
E-mail: nnpan@nanoq.gl
www.nanoq.gl

Soorlu tamanna eqqagassat pillugit Nassuiaatip 2008-imi saqqummiuteqqaarnerani aamma Inatsisartunit tusaatissatut tiguneqartoq.

Inatsisit malillugit eqqagassalerinermut atortut sanaartornerinut ingerlanneqarnerinullu aaqqissuussinermut aningaasalersuinermi aningaasartuutitut piviusunut kommunit ullumikkut ingerlateriikkaminnik periarfissaqarput sullissinermut akiliuteqartitsinissamik.

Sullissinermik akiliuteqartitsilluni aningaasalersuineq "mingutsitsisup akiliisussaananerani" tunngavimmut naapertuuppoq aamma taamaalilluni naapertuulluarnuvoq eqqagassanik pilersitsisup mingutsitsineranut naleqqjussinermi. Eqqagassalerineq pitsaaneq aamma isumannaatsoq aningaasartuutitik amerlanerusunik nassataqartussaasoq ilisimaneqareerpoq, taamaammat eqqagassanik pilersitsisumut sullissinermik akiliutinik akiliuteqartussamut akiliuteqartitsineq naapertuuppoq.

Suliniutit tamarmik piviusunnigortinneqarnissaannut eqqagassalerinermut sanaartukkat 400 mio. kr.-it missaannik naleqartut kommunini aningaasaliiffigineqarnissaat pisariaqartinneqarpoq. Taamaattumik Naalakkersuisut aalajangiuppaat avataaneersunik aningaasalersuisoqarsinnaananerani periarfissanik misissuisoqarnissaa. Massakut suliat ingerlanneqarput Naalakkersuisullu naatsorsuutigaat 2010-mi ukiakkut avataaniit aningaasalersuisinnaanermut tunngasut annertunerusumik paasissutissanik peqarfigilernissaat.

Ingerlatsinermut aamma allaffissornikkut aqutsinermut aningaasartuutit kiisalu sullissinermik akiliuteqartitsinissaq aqutugalugu akileeqaatanissartik kommunit nammineq aalajangertarpaat ingerlatereerlugulu. Taamaammat eqqakkanik ikuallaasarfii / aaqqissuussinermi pilersinnerannut ullumikkut aningaasartuutit sullissinermi akiliutaasartut atorlugit taaneqareersutut kommunit aningaasalersuinissamut periarfissaqareerput.

Taamaattorli kommunit aningaasatigut pitsaanagerusunik atugassaqartinneqarnissaasa periarfissinneqarnissaat anguniarlugu siuliani oqaatigineqareersutut sanaartukkanut avataaniit aningaasalersuisoqarsinnaananeranut periarfissat ujartorneqarput.

Inussiarnersumik inuulluaqqusilluta

Anthon Frederiksen